



وفی ۸ تشرین اول ۱۳۳۸ سنہ

پانزار ایرتسی فی ۱۰ ذی القعدہ ۱۳۳۰

|| جمعیت علمیہ اسلامیہ نک ناشر افکار یدر ||

مدیر مسئول	سر محرر :	صاحب امتیاز :
مکتب قضاة معلمارندن	فاتح مجیز درس معلمارندن	فاتح مجیز درس معلمارندن
کلیسی	توقادلی	نصوح افندی زاده
منیر	مصطفی صبری	مصطفی عاصم

مندرجات

قسم تاریخی	سلطان موسی خان دوری	م . عاضف	جهاد وظفرک اسباب معنویہ سی
ابن الرحی	قسم ادبی	مصطفی عاصم	جهاد اکبر واصغر
م . م . ر	ترانہ حرب	مصطفی	توحید — و تثلیث
		ابن الرحی	برصدای ترغیب
		احمد شیرانی	زنگینلرک مالی
		افکار عمومیہ محکمہ عالیہ سنہ : انقرہ حبیب خاں سندہ احمد راسم	

اعلان

نسخہ سی ۱ غروش

آبونہ اجرتی (پوستہ اجرتیلہ برابر در)

ممالک اجنبیہ ایچون :
۱۳,۰۰۰ فرانق
» ۶,۵۰۰

استانبول و ولایات ایچون :
بر سنہ لکی ۵۰ غروش
آلتی ایلفی ۲۵ »

درج اولنمیان اوراق اعاده ایدلر

قارنلر مزہ

اکثر مقالاتہ آیات کریمہ و احادیث نبویہ درج ایدلش بولندینی نظر اعتبارہ آلتہ برق رعایتسز لکده بولنلعماسی رجا اولنور .

مطبوعہ [توسیع طباعت] باب عالی قارشو سندہ عدلیہ خانی نومرو ۱۹


وسلاطین آل عثمانک آلتجیسیدر . قردانی سلطان سلیمان خان اولک ترکنلر طرفدن شهادتی اوزرینه ادرنده تخت عثمانیه جلوس ایشدر . جلوسنی ، خاقان سابق قتل ایدن جانلرله آقره محاربه مشهوره سنده عار فراری ارتکاب ایدن امرایی تجزیه ایتک کی مواد مستعجله تعقیب ایتدی . سلطان موسی تمامیه بر حرب اری ، بر میدان و غا امیری ایدی . شجاعت ذاتیه سی حسن تدبیر و درایت کی خصائل دوبالا ایشیدی . کوزل دوشو نور و دوشو ندیکنی بلا پروا اجرایه قادر بولندیقندن هم طبع و فکر وزرا تشکیله قیام ایتدی . اسلافک قوللاندقنلری اسکی ، کهنه فکرلی ، لکلی رجالی استیخدام ایتامکی جزم ایتدی . فکرینک فعلاً انکشافی تأمین ایچون « ملک موسی شاه » نامندنکی امی فقط غیور ، صادق بر ذاتی صدر اعظم ، « شیخ محمود بدرالدین سیاوی » یی قاضی عسکر و مفتی انام نصب ایلدی . ایلک تشبندن بعض مانعوله ، عارضه له تصادف ایلمی غیرت مفظوره سی غلیانه کتیدی .

کرچه قردانی سلیمان خانک رقیب سلطنتی کی بروضه آتش ، دائماً آکا قارشو بر حال تجاوزه ده بولنش ایسه ده بونک آنجق سلیمانک ملکتنک حال واستقبالی دوشونامسی و یادوشونمک وقت بوله مامسی کی . ده سائر وخیم عاقبتلر احضار ایتکده اولدینقی کورمش ، وطنی قورنارمغه چالیشه جغه وجدانیله معاهده ایشیدی . امانی مقدس بیلدیکی شونیتله سلطان سلیمان عسبان ایتش ، پادشاهی حامدن بشتالیه فراره مجبور ایشیدی .

حکومت سلیمانیه نک اندراسنی متعاقب سریر سلطنت کندیلرینه انتقال ایتدی . حالبوکه کوچک برادری محمد چای بویه حرکت ایتبور ، یا ملکک بر طرفنده اجرای حکومتی تصدیق ، و یا ناج و تختک کندینه ترکی ایتبوردی .

محمد چای شهبه سز حقسز ایدی . ذاتاً مشواری موسی خانک مشواریندن یک دون ، آتی تخلیه ایدن خصائل و نیات عالیله محمد چایده کورلیوردی . محمد چلییدن ده

درسه املرندن احمد راسم افندیکنک یک بحق اولان فریادنی درج ستون ایدره ک حاکم اولان ملت عثمانیه نک نظر دقت و اتباهنه وضع ایدیوروز . و دیوروزکه بویه ککالات علمیه . فضائل اخلاقیه ، صاحب لری محبسلرده ، منفی لرده ، چورومتک ، یک حقلی اولان فریادنی نظر دقته المامق آکلامیوروزکه مشروطیتله قابل تألیفمیدر ؟ بالایه درج ایتدیکمز فریاد معصومانه نک مندرج ائندن یک واضح بر صورنده آکلاشیلیوروز : احمد راسم افندیکنک ارتجاعی صرف اتحاد و ترقیه قارشو در . یوقسه مشروطیت مشروعه یه قارشو دکدر . اگرکه اتحاد قارشو کوس کرک ، و اونک سیاست سقیمه سنه خدمت ایتمه مک برجنایت ایسه ، بالکنز احمد راسم افندیکنک دکل ، عموم عثمانیلرک ، حتی حکومت حاضره نک بیه مرجع اولسی لازمکیر . بناء علیه احمد راسم افندیکنک محاکمه سی اعاده ایلدیکی تقدیرده بر چوق امرارسیاسیه نک انکشافیه برابر ، معصوم و بی گناه اولدنی تجلی ایده جکدر .



تاریخ صحیفه لری

عد

۲۳

« چلیلدوری »

« چلی سلطان موسی خان »

[۱۱۵ نجی نسخه دن مایه :]

مشار ایسه بیلدیرم سلطان بازید خانک نجل نجیبی

زیاده اداره اهلیتی وار و بادشاهلرده کورلمسی لازم کان اوصاف موسی خاندہ موجود ایدی . آقرہ ہزیتندہ بتون قرداشلری و محمد چلی قاجشلر ، کندلرینہ برماوی ، صیفہ جق بر محل تدارکنہ باشلادقلری خاندہ موسی جانی تہلکہ یہ قویہ رق و وطنک عاقبتیہ همچال اولئی ارزو ایتشدی . حرکت واقعیسی تیور بی نور طرفدن مظهر تقدیر اولدی . ایستہ بودہ بر رجحانیت ، برحق اہلیت ایدی .

ہرنہ ایسہ چلی محمد آرتق ای دن انی یہ برادرینہ اعلان حرب ایتش ، قرداشنی دہ بر محارب وضعیتی اکسابہ مجبور ایتشدی . بانکز بادشاہ برشیدہ خطا ایتش . لکن بوخطاسنی بالآخرہ فدای حیاتیلہ تصحیح ایشدر ،

صرپ بکنک معاملہ سرکشانہسی تأدیبی ایجاب ایتش اولغلہ حقندہ معاملہ تأدیبہ اجرا اولندی . بانکز استانبول اوزرینہ عسکر سوقنک زمانی دکل ایدی . چونکہ میدانہ رقبی محمد چلی و یارصادق بیزانس ایمپراطوری امانوئل وار . و قبی ایلہ اویشمق نہیہ متوقفت ایسہ آتی اجرا ، بعدہ بیزانہ حرکت ایلک معقولانہ بر تدبیر اولہ بیاردی . وا اسفا کہ : ایش بولہ اولدی . بیزانہ کوندردیکی عسکر ، ایمپاتورک اولدجہ منتظم اردوسنہ قارشو طورہ . میہ جقدی . محمدک دعوائی استقلالی ایمپاتورجہ باندی ممنونیت اولمش ، صرپ بکنکدہ التحاقی موجب اولمشیدی . محمد چلی بر مقدار عسکرلہ استانبولہ کلدیکندہ ایمپاتور طرفدن استقبال اولندی . ضیاقلر ، اکلنجہلر یابلدی . بوالفتات چلی محمدی استقلالندن صکرہ ایمپاتورہ مدیون شکران ایتش ، وفانہ قدر ابدی برکستانخانہ معاملہ یہ سوق ایدہ مامشدر .

محمد چلی و ایمپاتورک عسکرلی سلطان موسی خاںک قوتیلہ قارشولشدی موسی نک قوتی نتیجہ مبارزہدہ غالب کلش ، محمد چلی جریحہ دار اولمشدر . عسکرلہ آنا طولویہ رجعتہ مجبور اولدی . بادشاہ بومظفریتہ ممنون قائلہ قصر علمیندہ انفعالی شدتلتیوردی . نہایت امانوئل

استانہ جبر ایتک ایچون استانبول اوزرینہ هجومہ قرار ویردی . محمد چلی اعادہ عافیتدن صکرہ عسکرلہ استانبولہ کیمہرک ایمپاتورلہ معاونت خصوصندہ عقد مقاولہ ایلہ ویزہنی دارالحکرات اخذ قیلدی . شیخ الامرا غازی اورنوس [۱] محمد بک بن کوسہ میخال ، یختی بک . براق بک ، سنان بک کئی امرا چلینک طرفنی التزام و اولوچہلہ خبر ایصال ابتدیلر . صرپ بکنک دہ التحاقی اوزرینہ شہزادہ نک اردوسی خیلی یکنہ بالغ اولدی . نہایت علاء الدین اووہ سندہ قائل بر محاربہ وقوعہ کلدی . موسی خان بوحریدہ عتلاہرہ حیرت ویرہرک شجاعتار ، جسارتار ابراز ایتش ، صرپ ، قاتار ، ترکمندن مرکب اردوزری عادتاً اضاحلالہ اوغرہ جق بر حالہ کتیرہ مشیدی . فقط نہ قدر اولسہ جسم وشدید برقوتہ قارشو حال تدافیدہ بولمق امرعسیر بولندیغندن مغلوب اولہ جفتی بیلوردی . بریکچیری باشینک میدان معرکہدہ عسکرلی سلطان موسی علمینہ تشویق کندینک قتلنی موجب اولش ایسہدہ پادشاہدہ اتباعیلہ افلاق چہشتہ فرار ایلدی . ہان آرقہ سندن صارمچہ باشا مفرزہسی کوندزلدی . مفرزہ پادشاہک جسدنی برہا قاتندہ بولمشیدی . آرتق موسی کیتمش ، محمددہ دزین بر نفس آلمش بولنیور ، تاجہ رقیبہز مالک اولہ جقدن مسرور اولیوردی .

سلطان موسی نک سلطنتی اوچ سہدہر . مورخلر من (محضاً محمد خانہ تفاق ایچون اولی) ایکی پادشاہک سلطنتنی خذف اید یورہرک بیسوک برحقسزلق ارتکاب ایتشلردر . حتی بن بوکادہ قناعت ایتبورم . چلی سلطان

[۱] غازی اورنوس بک اختیارلنی ہانہ وکوزلرینہ عی طاری اولدینی بیان ایدرک جلوس موسی خاندہ عرض تہریک ایچون حضورہ کیشامشیدی . پادشاہ جبراً احتضار ایلہ لاجل الامتہان برضیافت کشیدہ ایدہرک اوکنہ قوربہہ قزارتہسی قوبدیر . تمشیدی . غازی مشارالہ ایہی آکلامش ، لکن عمالغہ خلل کتیرہمک ایچون دہلم ، دہلم ، قزارتہنی ہمیش ، سطنی اعمی اولدینہ ایندیرمیشدی . ایستہ بولک آجیبی اولئی اوزرہ محمد چلینک طرفنی التزام و اختیار ایدیوردی .

کیدن ای شانی وطن ! اوغریکه بر جان اولسون
سکا عثمانیلرک شوق ایله قربان اولسون
۴

قهر خصم وطنه هر بریز شیر و بلک
عرصه جنکی ایدر صولتیز دشمنه تن
قورقودور صامه بزی ولوله طوب و تفک
کیدن ای شانی وطن ! اوغریکه بر جان اولسون
سکا عثمانیلرک شوق ایله قربان اولسون
۵

مسلمان بر دوشنور دینی ، ملیتی
برده حسن وطنک نوری ، علوبتی
دوشنور صامه صاقن ! دشمنک کثرتی
کیدن ای شانی وطن ! اوغریکه بر جان اولسون
سکا عثمانیلرک شوق ایله قربان اولسون
۶

سایه شرع آیهده بزر خبر جنود
ایدرز شانکی اعلاده بتون بذل وجود
باعث زیتمزدر کفن خون آلود
کیدن ای شانی وطن ! اوغریکه بر جان اولسون
سکا عثمانیلرک شوق ایله قربان اولسون
۷

مسلمان ذبی ایچون جانی ابتاره کیدر
دشمنک ضربه سنه ، حمله سنه خنده ایدر
اولومه حاضر اولان اولمدن ایلرمی حذر
کیدن ای شانی وطن ! اوغریکه بر جان اولسون
سکا عثمانیلرک شوق ایله قربان اولسون
۸

نور توحید و نبوت ایله سن بارلار ایکن
هریرک اولمش ایکن بونجه شهیده مدفن
هیچ تمکنمی که بر ذرهک آلتسون بزدن

مصطفایک درت ستمک ادرنه دهکی سلطنتنه قائل بولنیور
وجدول آل عثمانه آتیده علاوه اییدیورم . احوالده
مصطفایارده مرادلر ، محمدلرکی بش دانه اولیسورلر .
چایی مصطفایک سکه مشرب و بهمنک برطرفی نامی ویدرینک
اسی ایله موشخ و برطرفنده محل مشرب اولان ادرنهک
یازیلی اولدینی محققدر .

قائل اولدیغ مصطفی ایله سائر مصطفالرشونلردر :

۱ — سلطان مصطفی اول بن بیلدریم یایزید خان

۲ — سلطان مصطفی ثانی بن محمد خان ثالث


۳ — سلطان مصطفی ثالث بن محمد خان رابع

۴ — سلطان مصطفی رابع بن احمد خان ثالث

۵ — سلطان مصطفی خامس بن عبدالحمید خان

قامه سلطانیهلی

ابن الرحی



قسم ادبی

ترانه حرب

۱

هر طرف نازده حرب ایله وولقان اولسون
غازیلر ذوق شهادتله خرامان اولسون
چاریشوب دشمن ایله سینهلر ال قان اولسون
کیدن ای شانی وطن ! اوغریکه بر جان اولسون
سکا عثمانیلرک شوق ایله قربان اولسون
۲

۳

باشلا سین اهل نفاق رغمنه تکبیر غزا
بارلا سین شعله جواله شمشیر غزا
دیکن اولسون کوزینه دشمنک تیر غزا